

Omesodel A Sus

A *sus* a ngara omeruul ma omelekoi el omeketaki ra klauteku ma belikerrang ma omenguli ra deleuili ra rechad a le kasoues. A Belau ra ngaramong a diulak a kmal omingel a sus ra chelsel a ta el sils, ma omelkingel el uaiika el dulekoi er chelechang el sils el kmo "ungil tutau" ma "ungil odechosong" ma "ungil kebesengei." A ika el uaisei el sus a mlukduboch or sei ra le kot el mei ar chad ra ngebard el olsisechaki a tekoi le chelid (Missionaries).

A ngaramong e sei el le kebetele a rechad ra tutau ma le cheledechos ma le kebesengei, ea le kaodengi el chad e te di kaiuengit a chemachel e kaokerker a lemla er ngii el mei ma le bo er ngii ma lechub e te kankodong ra tekoi ra blengur.

Ng dirrek el kmal mle ulterkoki el ngeasek el chad a le betik ra rubak ra rael ma lechub e te mechuodel el chad, eng touchaki el me ra tkul a rael el mo reboreb e msang a techall a rubak ma lechub e te mechuodel el chad el engelaki. Aisekum te rreboreb e ra iitid a rubak ma lechub eng di ta ra olengrull ra rubak, e ng ta ra blekardelal a sus ra re chad a loracl mei e te mo reretaki e mo mracl ra delebedeb el mo engelaki er tir. Ng dirrek al ngar ngii a klou el ongdiel el cheidellir a rubak ma re meklou el chad ra beluu, ea donael ra delongelir e ke de osesus.

A *osesus* el tekoi a belkul a kmo ke de *reretaki* a rechad e mracl. A *osus* el tekoi, a modou a chikled ma chelechedad el meriou. A *sus* ra ngor adi ungil el omengedecheduch el kirel a blengur ma omelamech. A omelmesumech ra ngor a ngamgii el tekoi el dedul kmo *mechikung*, ea omorolang e ke kmo *ak morolang*.

A ta ra klou el *sus* er Belau el uldimuki ra omenguli, a le mla re ngii a klou el sekad me le kodokodechor a rechad, e biel dum a rubak, e te meriou el mo reborb ra telkib. Ma dullikes ra kerker el mochu engelaki ra klubed ra beluu, me ke de dirrek el choitid el me reborb e melikes el engelaki el mo cheroid e mochu dechor e melikes. Ma blo demu ra taach el kmedang e ra olkerodel ma lechub e le klubed, e kerdi ngar cheroid e choitid el me reboreb e melikes el mo kideraol. Ma de tobed ra klubed ma kerdel ra taach, e ke de reborb e melikes el mo or sei el ungil cheroid e mochu dechor e melikes. Itinia *sus* ma lechub eng omenguli el mo ra beluu. E dirrek el telstetel a *sus* er Belau el bo de reborb e ng beketokiel a *sus*.

Me ng uaisei, e ng di redil a diak el *reretaki* ra delongelir ar mechuodel el sechal ma rubak al e kldibel. Ma re sechal a diak el *reretaki* ra delongelir a re mechuodel el dil ma rubak el dil a le kldibel.